



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 3. Pravilnika o kriterijima i načinu sufinansiranja projekata ustanova primarne zdravstvene zaštite u 2025. godini broj 09/B-11-830/25 od 11.03.2025. godine, tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24) i Odluke o pokretanju postupka raspisivanja i provođenja javnog poziva, Općinski načelnik objavljuje

## **JAVNI POZIV**

### **za dodjelu novčanih sredstava za sufinansiranje projekata ustanova primarne zdravstvene zaštite u Kantonu Sarajevo**

#### **1. PREDMET JAVNOG POZIVA**

Predmet ovog Javnog poziva je dodjela novčanih sredstava za podršku projektima ustanova primarne zdravstvene zaštite u Kantonu Sarajevo u svrhu kapitalnih ulaganja.

#### **2. CILJ JAVNOG POZIVA**

Cilj dodjele sredstava je osiguravanje uvjeta za pružanje kvalitetnije usluge primarne zdravstvene zaštite za građane.

#### **3. FINANSIJSKA SREDSTVA**

Sredstva za dodjelu novčane pomoći planirana su u Budžetu Općine Centar Sarajevo za 2025. godinu na poziciji 615121-39 grant za zdravstvo-zdravstvene ustanove primarne zdravstvene zaštite sa područja Kantona Sarajevo u ukupnom iznosu od 200.000,00 KM raspoređivat će se u skladu sa Odlukom Općinskog načelnika nakon provedenog Javnog poziva.

Ovisno o broju projekata koji se budu kvalificirali za dodjelu pojedini projekti će moći biti podržani u minimalnom iznosu od 10.000,00 KM i maksimalnom iznosu do 80.000,00 KM. Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

#### **4. KRITERIJI ZA DODJELU SREDSTAVA**

Utvrđuju se opći i posebni kriteriji za dodjelu sredstava ustanovama primarne zdravstvene zaštite kako slijedi:

##### **OPĆI KRITERIJI**

- 1) Da je ustanova registrirana za pružanje usluga primarne zdravstvene zaštite;
- 2) Da posjeduje projektnu dokumentaciju sa obrazloženjem za kapitalnim ulaganjem i precizno definiranom finansijskom konstrukcijom odnosno predračunom na nabavku sredstava;
- 3) Da je ustanova opravdala sredstva koja su od strane Općine Centar Sarajevo dodijeljena u prethodnim budžetskim godinama.

##### **POSEBNI KRITERIJI**

- 1) Broj pruženih zdravstvenih usluga u prethodnoj kalendarskoj godini građanima sa područja općine Centar Sarajevo;

2)Projekcija povećanja broja zdravstvenih usluga nabavkom opreme za građane sa područja općine Centar Sarajevo;

## 5. POTREBNA DOKUMENTACIJE

Podnosioci zahtjeva za dodjelu jednokratne novčane po ovom Javnom pozivu dužni su dostaviti sljedeću dokumentaciju:

- Rješenje o registraciji zdravstvene ustanove;
- Projektna dokumentacija (prijedlog projekta, dokumentacija sa obrazloženjem za kapitalnim ulaganjem i precizno definiranom finansijskom konstrukcijom );
- Dokaz o broju pruženih zdravstvenih usluga građanima sa područja općine Centar Sarajevo u prethodnoj kalendarskoj godini;
- Projekcija povećanja broja zdravstvenih usluga nabavkom opreme za građane sa područja općine Centar Sarajevo ;
- Predračun nabavke opreme;
- Transakcijski račun ustanove.

NAPOMENA: Dokaz da su opravdana budžetska sredstva ukoliko su ista dodijeljena od strane Općine Centar Sarajevo provjerava organ po službenoj dužnosti.

## 5. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo ([www.centar.ba](http://www.centar.ba)).

Javni poziv ostaje otvoren 30 dana od dana njegovog objavljivanja.

Pristigle prijave, nakon zatvaranja javnog poziva, razmatra Komisija za provođenje javnog poziva koju će rješenjem imenovati Općinski načelnik.

Nepotpune i neblagovremene prijave neće se uzimati u razmatranje.

Komisija za provođenje javnog poziva će u roku od 15 dana od dana zatvaranja javnog poziva sačiniti preliminarnu listu korisnika sredstava, istu objaviti na web stranici Općine Centar Sarajevo te ostaviti mogućnost isticanja prigovora u roku od 8 dana od dana objavljivanja.

O prigovorima će rješavati Komisija za rješavanje prigovora po javnim pozivima koju će posebnim rješenjem imenovati Općinski načelnik, a koja će u roku od 15 dana od dana ulaganja prigovora odlučiti o istom.

Nakon isteka roka za prigovore odnosno donošenja odluka o prigovorima, Komisija za provođenje javnog poziva pristupa izradi prijedloga odluke o sufinansiranju projekata ustanova primarne zdravstvene zaštite.

Odluku o dodjeli sredstava donosi Općinski načelnik i ista se objavljuje se na web stranici Općine Centar Sarajevo.

Nakon usvajanja Odluke, Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovornih strana.

Korisnici sredstava dužni su dostaviti Izvještaj o utrošku sredstava u roku koji će biti određen ugovorom, a koji je u skladu sa Odlukom o izvršavanju Budžeta Općine Centar Sarajevo za 2025. godinu.

Praćenje utroška sredstava vrši Služba za boračko-invalidsku i socijalnu zaštitu.

Dodatne informacije se mogu dobiti na broj telefona: 033/562-353.

**NAPOMENA:** Korisnici koji ostvare pravo po ovom Javnom pozivu , dužni su dodijeljena budžetska sredstva pravdati na način koji će biti utvrđen Ugovorom o dodjeli sredstava.

**Općinski načelnik**

Srđan Mandić